



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

XC. Ein kauffbrief Henning Valkenbergks, dorinne er dem Closter Hymmelpforten vorkauft X Hufen Im dorff Brusenwalde fur Achtzigk Mark Vinkenogen etc.

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

LXXXIX. Ein Vortrag zwifchen dem Clofter Hymmelpforten vnd Coppe Tydemanne, feines entleybten bruderfs halben.

Vor allenn Christenn ludenn, de deffenn brieff feen edder horenn lefenn, Bekenne Ik Clauefs Luderitz vnd Hanfs Refftorp vnd Hanfs Cyker, schulte tho Dolghenn, mitt vnfern oppen Jegenwardigen breue, datt wy hebbenn deghedingett twifchen deme Abbete vann der Hymmelpfortenn vnd deme Cloftere eine ewige vruntfchop vnd eine ewige fone, vnſchedyelikenn der Irftenn fone vnd des fonebreuefs vnd tufchenn Coppe Tidemanne vnd finenn rechten eruenn, ghebarenn vnd vnghebarenn, Offt Coppe Tidemann Jengherleye thofprake möchte hebbenn tho deme Godefshufe tho der Hymmelpfortenn vann finefs dodenn Bröderfs wegenn, Inn deffer nachreuenenn wyfs, datt de Abbett ſchall vann finefs Godefshufs wegenn gheuenenn Coppe Tidemanne twelf elen Granfoifches meinefs wandels vnd ſchall em ſchickenn Hertoghe Hinrikefs leydebrieff, vnd ditt vorbenomede wanth vnd denn brieff hefft de Abbett Coppe Tidemanne wol betalett vnd gheuenenn. Alle deffe vorſchreuen Artikell vnd ſtücke, vruntfchop, fone vnd denn oldenn fonebrieff laue Ik Coppe Tidemann mitt minenn rechtenn eruenn, ghebarenn vnd vngbarenn, ſtede vnd vaſte vnd vnbrakenn tho holdende, funder Jengherleye hinder, argelift edder nie Invindinge. Vortmer ſchole wy vnd willenn ſetten em eyenn (crutz) vor nien Tymenn, ſime Broder na, vnd willenn Coppe Tidemanne vnd ſine rechtenn eruenn gebaren vnd vngbarenn, nemen Inn eine ewige Dechniſſe. Tho vrkunde vnd tho tuge ſo Ick Claufs Luderitz vnd Ik Hanfs Refftorp vnſe Ingeſegele hebbe lathenn hengenn ann deffen oppen brieff, vnd Ik Hanfs Cyker nu my tho deffen male bruke Glaufs Luderitzenn Ingeſegell, tho hengende an deffenn brieff, wente Ik nien hebbe, De geſchreuenenn Is na Godefs borth vierteinhundert Jar, Darna In deme ſofs vnd twintichſtenn Jare, Inn der bordt vnſer leuenn Wrowenn.

Collationata est hec Copia cum ſuo originali, Quod atteſtor ego Erasmus Seidell' ſupradictus Notarius hoc meo Chyrographo.

XC. Ein kauffbrief Henning Valkenbergks, dorinne er dem Clofter Hymmelpforten vorkauft X Hufen Im dorff Bruſenwalde fur Achtzigk Mark Vynkenogen etc.

Ick Henningk Valkenberch, wanhaſſlich tho Arnſberch, Bekenne vnd betuge Inn diffenn Jegenwerdigenn briue, datt Ik mitt willenn vnd mitt wolbedachteenn mude vnd mitt minenn rechten eruenn, gebornn vnd vngebornn, hebbe rekelkenn vnd redelkenn vorkofft dem geiſtlikenn Hernn, Hernn Arnde, Abbete tho der Hymmelpfortenn, vnd ſime Conuenthe teigenn huenn Inn deme Dorpe tho Bruſenwolde mitt alle örenn thobehorungenn, mitt weydenn, mitt wiſchenn, mitt boltenn vnd aller rechticheitt, Also ſe liggenn Inn örenn ſcheidenn, alle min vader ſe my geeruett hefft; vnd Ik Henningk vakenberch ſchall vnd will mitt minen rechten eruenn, gebornn vnd vngeborn, der teigenn huenn vorbenömet dem Abbete vnd ſime Conuente eine rechte were weſenn vor allenn, dye vor recht komen willen. Deffe vorbenomdenn teigenn huenn hebben ſe my abgekofft vor Achtentich mark vinkenogenn penninge, dy fy my all

vnd woll tho der nuge betalett hebbenn; vnd lk Henning vorbenumbt Hebbe dy teigenn huenn vorlathenn deme Abbete vnd sine Conuente mitt handt vnd mitt munde vnd beholde my edder minenn rechtenn eruenn ninerley rechticheit meer ann den vorbenömedenn hüenn. Datt alle disse vorschreunn Ding stede vnd vaste bliuenn vnd vntobrakenn, Tho grotter bewarunge vnd bevestinge diffes briuefs, so hebbe lk Henning Valkenberch min Ingefell mitt witschop lathenn hengenn vor dessenn brieff, de ghegeuenn vnd geschreunn Ifs tho Arnfberch, na Godefs geborth Virteinhundert Jar, darna Inn deme druttichstenn Jare, ann deme fundage na der hilgenn drigher konninge dage. Tho tuge hebbenn hirann vnd ouer gewest Henningk Valkenberch, min vedder, Heyne Rutenberch, Schulte tho oldenn Thimenn, Reinicke marquarth vnd dy gemeinenn Bure tho oldenn Thimenn.

Collationata et auscultata est hec presens Copia et concordat cum suo vero Originali incorrupto, Quod attestor ego sepedictus Notarius Erasmus Seidell hac mea manu propria.

XCI. Ein Reuerfs oder Bekantnifs Hanfs, Gerhardts vnd Hennings, gebrudere, der Wulffe, dafs sie Irefs Vaterfs halben, Gerke Wulfes, mitt dem Closter Hymmelpforten vortragen seindt.

Vor allenn Christenn ludenn, dy dessenn brieff seenn edder horenn lesenn, Bekenne wy Hanfs, Gherardus vnd Henning, bröder, alle genömett Wulffe, datt vnse gnedige herre Johann, von Godefs gnadenn Hertoge tho Mekelnborch, thu Rostock vnd thu Stargarde herre, heft gededingett mitt sineme Rade tuschenn vnfs vnd denn Abbete vnd Conuente tho der Hemmelporthenn, vann vnsefs veddernn wegen Gherke Wuluefs, deme Gott gnedich sy, dy eenn broder wafs begheuenn Inn dem vorbenombdenn Closter Hemmelporthenn, Vnd heft vnfs entflegenn Inn sodaner wise, Also datt dy vorbenömbdenn hern, Herr Hinrick, Abbett, vnd sine Conuente scholdenn vnfs gheuenn twelf mark vinkenogen penninge edder vnfs vorugenn dy mitt sodaner munte, also ene weringe Ifs Inn dem Lande thu oldenn Stargarde, vor alle tusprake, oft wy war anne recht wern wesenn vnd hatt haddenn thu dem vorbenumbdenn Clostere vann defs gudefs wegen, datt vnse vedder gelenet hadde na syme dode, datt were butenn edder binnenn dem Closter gewesett. Dese hebbenn vnfs dy vorbenumbdenn hernn, Also dy Abbett vnd Conuent, dy vorschreunn twelf mark vnfs thu dancke All vnd ouer eneme summenn thu der nuge woll betalett, dar wy vnfs schöleenn mede ghekert hebbenn vnd vnse frommenn mitt geworuenn. Vnd wy edder vnse eruenn wetenn mitt deme vorschreunn godefs huf vnd hern nicht mer gude fruntschop, vnd wy scholen dy vorschreunn hernn vnd öre nakomelinggenn erenn vnd vordedingenn, wor wi konnen vnd möghen, vnd vppe dy vrsprakene sake nummer thu sprekende edder thu sakende. Thu vrkunde vnd tu tuge hebbenn hir ouer gewesenn dy duchtigenn lude Herr Hinrick Osterwoldt, pryfter, Hinrick Osterwoldt, Vicke Osterwoldt, Berndt Bere, Claus kule vnd völe meer louenwerdiche. Thu groter bewarunge vnd wifsheit desser vorschreunn ding hebbe wy Hanfs, Gherardus vnd Henning, bröder, Wulue genömett, Houetlude, vnse Ingefegele lathenn hengenn ann dessen openn brieff, die gheuenn vnd